




Broj: 01-02-596-2/17
Datum, 29.03.2017. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na Drugoj sjednici Gradskog vijeća Grada Sarajeva, održanoj 29.03.2017. godine, **gradski vijećnik Almedin Miladin** uputio je **inicijativu** i zatražio da Gradsko vijeće podrži njegovu **inicijativu**, da se dio šetnice uz lijevu obalu Miljacke nazove po hadži hafizu Halidu efendiji Hadžimuliću, koja je također dostavljena u pismenoj formi.

Gradsko vijeće je podržalo podnesenu inicijativu i ona je postala **inicijativom Gradskog vijeća**.

U prilogu je inicijativa gradskog vijećnika Almedina Miladina dostavljena u pismenoj formi.

PREDSJEDAVAJUĆI GRADSKOG VIJEĆA



Igor dr. Gavrić

Dostaviti:

- Kanton Sarajevo, Skupština Kantona Sarajevo
- Gradonačelniku (na znanje)
- Evidenciji
- a/a

GRADSKO VIJEĆE GRADA SARAJEVA
n/r g. Igor Gavrić, Predsjedavajući

GRADONAČELNIK GRADA SARAJEVO
n/r g. Abdulah Skaka

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:	13-03-2017		
Org. broj:		Prilog	Vrijednost
01-05-486/12			RP

Na osnovu člana 30. Statuta Grada Sarajeva i čl. 19. i 148. Poslovnika o radu Gradskog Vijeća, pokrećem

INICIJATIVU

o davanju naziva dijela šetnice uz rijeku Miljacku po uglednom sarajevskom učenjaku hafizu Halidu ef. Hadžimuliću

Ovom Inicijativom predlažem da se šetnici/keju uz rijeku Miljacku, na potezu, posmatrajući nizvodno, od Carevog mosta (preko puta Careve džamije) pa do mosta Čumurija (preko puta Bakar-babine džamije) dodjeli naziv po uglednom sarajevskom učenjaku hadži hafizu Halidu ef. Hadžimuliću, te da šetnica/kej nosi naziv „Kej hafiza Halida Hadžimulića.“

Šetnica postoji i sada, isključivo je namjenjena za pješake, nema nikakav naziv, tako da se ukazala izvanredna prilika da se Grad Sarajevo na ovaj simboličan način oduži ovome velikanu.

Obzirom da je dodjeljivanje imena/naziva ulica, parkova, javnih površina i sl. u nadležnosti Komisije za obilježavanje, čuvanje i njegovanje historijskih događaja i ličnosti Skupštine Kantona Sarajevo, molim i predlažem da Gradsko Vijeće prihvati ovu Inicijativu kao svoju, i dostavi je Komisiji Skupštine Kantona Sarajevo na nadležno rješavanje i postupanje.

Pozivam da i Gradonačelnik Sarajeva Abdulah Skaka također podrži ovu Inicijativu, i u svojstvu Gradonačelnika je uputi Skupštini Kantona Sarajevo na nadležno postupanje.

Obrazloženje

Halid ef. Hadžimulić rođen je 16. oktobra 1915. godine u Sarajevu, Bosna i Hercegovina.

Bio je jedan od najcjenjenijih islamskih učenjaka u Bosni i Hercegovini.

Mekteb je završio u Džininom sokaku pred svojim ocem Ali-ef.

Hifz je završio za dvije godine (1923-1924.), ali je polagao i zvanično postao hafiz 1963. godine. Hafiska dova je proučena 25. aprila 1963. godine u Carevoj džamiji u Sarajevu, a dovu je proučio hafiz Asim-ef. Sirćo. Završio je Šerijatsku gimnaziju u Sarajevu 1937. godine.

Studirao je filološke fakultete u Zagrebu i Sarajevu.

Poznao je sedam jezika: arapski, perzijski, turski, francuski, njemački, engleski i latinski.

Preveo je na bosanski jezik Mesneviju, najznačajnije djelo velikana svjetske književnosti Dželaludina Rumija, čiji se Institut pod pokroviteljstvo UNESCO-a danas nalazi u Parizu (Francuska).

Bio je dugogodišnji službenik Gazi Husrev-begove biblioteke, glavni imam i hatib Careve džamije u Sarajevu, te predavač Mesnevije. Iako mu je reis Sulejman ef. Kemura lično nudio visoke službeničke položaje u Islamskoj zajednici, on je ostao dosljedan emanetu svojih učitelja da živi skromno i dostojanstveno; družeći se sa knjigama, prevodeći i tumačeći Mesneviju, djela Širazija, pišući vlastiti Dnevnik, govoreći hutbe sa minbera Careve džamije više od 30 godina. Iza njega su ostali brojni prijevodi i obrađeni rukopisi.

Čitav život proveo je u rodnoj kući u Sarajevu u ul. Curak, koja je pod zaštitom Zavoda za kulturno-historijske spomenike. Utemeljitelj je Udruženja Hadži Mujaga, gdje je dao nemjerljiv doprinos u očuvanju osmanske baštine u Sarajevu i Bosni i Hercegovini.

Umro je u Sarajevu, 8. januara 2011. godine.

Dženazu namaz mu je klanjao Reisu-l-ulema dr. Mustafa ef. Cerić.

Ukopan je pored novosagrađene Bakar babine džamije, na At mejdanu, u Sarajevu.

Iz ove kratke biografije (wikipedia) jasno se može uočiti da je najznačajniji dio života hfz. Hadžimulić proveo kao imam i hatib Careve džamije u Sarajevu, odakle bi, tačnije preko puta glavnog ulaza u džamiju - od Carevog mosta, bio početak šetališta/keja, a ukopan je uz Bakar-babinu džamiju, za čiju je izgradnju i najzaslužnija osoba, a gdje bi se šetalište završavalo - preko puta džamije kod Ćumurije mosta.

Doprinos u oblasti obrazovanja, nauke i književnosti hadži hafiza Halida ef. Hadžimulića je nemjerljiv. Ostao je neizbrisiv trag i sjećanje na jednu od najvećih duhovnih veličina našeg vremena.

Dio šetališta uz rijeku Miljacku od Carevog mosta do Ćumurije mosta, ponosno bi nosilo naziv po ovom sarajevskom velikanu, a samo šetalište moglo bi se u narednom periodu urediti i staviti u funkciju kao javni prostor, u kojem bi mladi ali i buduće generacije, tražile inspiraciju u djelima i ostavštini Hafiza.

Sarajevo, 13. marta 2017. godine

Podnosilac Inicijative
Gradski vijećnik

Almedin Miladin